



## Stjórnarfundur körfuknattleiksdeildar Vestra 13. október 2016

Haldinn að Torfnesi 13. október. Fundur settur kl. 17:35. Mætt: Ingólfur Þorleifsson, formaður, Birna Lárusdóttir, Birgir Örn Birgisson, Guðmundur Einarsson, Magnús Heimisson, Sveinn Rúnar Júlíusson og Ingi Björn Guðnason sem jafnframt ritaði fundargerð. Yngvi Gunnlaugsson yfirþjálfari mætti á fundinn undir lið 1.

1. Leikmenn  
Yngvi Gunnlaugsson yfirþjálfari kom til fundarins undir þessum lið. Ingólfur og Yngvi kynntu stöðu mála varaðndi leikmenn sem þeir hafa átt í viðræðum við að undanfögnu. Farið yfir stöðu mála hvað leikheimild erlends leikmanns varðar. Yngvi greindi stjórn einnig frá stöðu mála hvað meistaraflokk varðar og fór yfir komandi helgi en fjöldi liða Vestra keppa um helgina, meistaraflokkur, 10. flokkur drengja og minnibolti eldri stúlkna. Yngvi vék af fundinum.
2. Húsnæði  
Ingi kynnti stöðu mála hvað húsnæðismál varðar. HSV á enn í samræðum við Ísafjarðarbæ um fyrirkomulag og fjölda íbúða utan þeirra 5 íbúða sem samningur HSV við Ísafjarðarbæ tiltekur.
3. Fjármál og styrkir  
Sveinn Rúnar, gjaldkeri greindi frá stöðu mála. Farið yfir samninga sem ekki er búið að ljúka og samninga sem eru í vinnslu. Ingólfur kynnti stöðu mála hvað samning við Hertz varðar. Rætt um skiptireglu aðalstjórnar og BUR.
4. Mótamál  
Stór útileikja helgi framundan. Meistaraflokkur leikur gegn FSu á Selfossi, 10. Flokkur drengja keppir á fjölliðamóti á Selfossi og minnibolti yngri stúlkna á Flúðum.
5. Umgjörð heimaleikja  
Farið yfir umgjörð heimaleikja.  
Guðni Guðnason hefur að mestu séð um mönnun ritaraborðs. Ingólfi falið að ræða við hann um að hafa umsjón með því í vetur. Rætt um nauðsyn þess að þjálfa upp nýtt fólk til að vinna á ritaraborði.  
Eftir að Jakinn-TV fór í frí er ekkert hljóðkerfi í húsinu og þar af leiðandi ekki hægt að kynna liðin. Ingólfur mun kanna hvort knattspyrnudeild Vestra sé tilbúin að lána hljóðkerfi fyrir veturinn líkt og knattspyrnan hefur gert fyrir Jakinn-TV undanfarin ár. Guðmundur Einarsson ætlar einnig að kanna hvort mögulegt sé að fá þráðlausan míkrafón að láni. Ákveðið að reyna að hafa hljóðkerfið á móti stúkunnni. Ingi mun einnig óska eftir því við meistaraflokk að leikmenn hans sjái fyrir tónlist fyrir upphitun og í leikhléum. Æskilegt væri að fá einhver aðila til að sjá um þetta en fram að því mun stjórn sjá um kynningu leikmanna í upphafi, skotleiki í hléum og tónlist.  
Tölfræðiskráning á heimaleikjum. Ákveðið að semja við Kjartan Guðnason um að hafa umsjón með þessu í vetur þegar hann getur. Samhliða mun hann þjálfa upp aðstoðarmenn sem geta svo hlaupið í skarðið fyrir hann. Jafnframt verður settur upp æfingaleikur á æfingu meistaraflokks til að æfa tölfræðiskráningu. Heimaleikir unglingsflokks verða jafnframt notaðir sem til æfinga. Sturla Stígsson er tilbúinn að aðstoða við kennslu á tölfræðiforritið. Ingi hefur umsjón með þessu.
6. Fjáraflanir
7. Önnur mál



Engin önnur mál.

Fundi slitið kl. 18:50.